



BEIZAMAKO UDALA
(GIPUZKOA)

2009-01-19ko EZOHIKO UDALBATZA

Beizaman, bi mila eta bederatzigarren urteko urtarrilaren hemeretzian, arratsaldeko 18:00etan, udaletxeko udalbatza-aretoan, ezohiko batzarra egin du Udalbatzak, alkatea – Ramon Gerrikagoitia Bengoetxea jauna– buru duela.

Zinegotzi hauek izan dira bileran: Begoña Garmendia Vazquez andrea eta Itziar Arkonada Lizarraga andrea.

Ez da etorri eta ezin etorria adierazi du: Luis Javier Oregi Iñurrieta jauna eta Igone Arruti Olazabal andrea.

Ez da etorri eta ez du adierazi ezin etorria: Inork ere ez.

Udaleko idazkariak, Bittor Agirreurreta Murgia jaunak, egin ditu idazkari-lanak.

Alkateak irekitzat jo du saio publikoa; segituan, eta haren baimenarekin, idazkariak jakinarazi du bilera egitea badagoela, Toki Erregimeneko Oinarriak Arautzen dituen apirilaren 2ko 7/1985 Legeak eta 2568/1986 Errege Dekretua, azaroaren 28koa, Toki Erakundeen Antolakuntza, Funtzionamendu eta Eraentza Juridikoaren Erregelamendua onartzen dituenak, agindutako gutxieneko partaide-kopurua bertaratua baita.

LEHENENGO GAIA
AURREKO BILERAKO AKTA ONARTZEA.

2008ko abenduaren hogeita bederatziko ezohizko saioaren akten zirriborroa ikusita, hauen onarpena hurrengo bilkurarako uzten da, aurreko bilkuran bertan izan ziren zinegotziak falta direlako eta daudenak etortzerik izan ez zutelako.

BIGARRENGO GAIA
ONARTZEA, BADAGOKIO, OSTATU ZAHARREKO ESLEIPENA UZTEA.

Axun Galarraga Lasak, Ostatu Zaharreko emakidadunak, 2009ko urtarrilaren 15eko sarrera data eta 19 zenbakia dituen idatziaren bidez eskatu du, ustiapen eskubidearekin jarraitzea ezinezkoa egin zaiola eta egungo kontratuari, hots, esleipenari amaiera ematea. Hala ere, Udalak ostatuaren esleipen berria egin arte jarraitzeko konpromisoa hartzen du.

Kontuan hartuz, besteen artean, apirilaren 2ko 7/1985 Legeak, Toki Araubidearen Oinarriak arautzen dituenak, 22.2.n artikuluan araututakoa, eta esleipena arautzen duten baldintzak, Udalbatzak bertan daudenek aho batez harturiko erabakiarekin,



BEIZAMAKO UDALA
(GIPUZKOA)

ondokoa erabakitzen dute:

Bakarra.- Axun Galarraga Lasak egindako eskaera onartu eta ostatu zaharraren esleipena uztea onartzea.

Erabaki hau behin betikoa da eta administrazioko bidea agortzen du. Beraren aurka administrazioarekiko auzi-errekurtsoa ipini daiteke Donostiako Administrazioarekiko auzietako epaitegietan.

HIRUGARRENGO GAIA
ONARTZEA, BADAGOKIO, BEIZAMAKO "OSTATU ZAHARRA"
TABERNAREN USTIAPEN ESKUBIDEA ESLEITZEKO ESPEDIENTEA ETA
LEHIAKETARI HASIERA EMATEA.

Udalak interesa du Beizamako Ostatu Zaharra tabernaren ustiapen eskubidea esleitzeko, honek herrian betetzen duen xedea funtsezkoa deritzolarik. Beizamako ostatu-zaharrak, ostalaritza ekipamendua izateaz gain, zerbitzu publiko izaera du eta zentzu honetan, ostatuak, alde batetik, nagusiki herritarren zerbitzuarekin lotura du, eta bestetik, Udalak sustaturiko jardueren azpiegitura lagungarria izango da, Udalak hala erabakiz gero.

Kontuan hartuz, besteen artean, urriaren 30eko 30/2007 Legeak, Sektore Publikoko Kontratuak arautzen dituenak, besteen artean 93, 94, 122 eta 141 eta ondorengo artikuluetan arautzen duena, Udalbatzak, bertan daudenek aho batez harturiko erabakiarekin, ondokoa erabakitzen dute:

Lehena.- Beizamako Ostatu Zaharra tabernaren ustiapen eskubidea esleitzeko lizitazio espedienteari hasiera ematea.

Bigarrena.- Beizamako Ostatu Zaharra tabernaren ustiapen eskubidea esleitzeko Baldintza Administratibo, Ekonomiko eta Juridikoen Orriak onartzea.

Erabaki hau behin betikoa da eta administrazioko bidea agortzen du. Beraren aurka administrazioarekiko auzi-errekurtsoa ipini daiteke Donostiako Administrazioarekiko auzietako epaitegietan.

LAUGARRENGO GAIA
TOKIKO INBERTSIOTARAKO ERATUTAKO ESTATUKO FONDOAREN
DIRULAGUNTZA PROGRAMAN ESKAERA EGIN ETA DAGOKION
PROIEKTUA/K AURKEZTEA ONARTZEA.

Azaroaren 28ko 9/2008 Errege Dekretuak, tokiko erakundeek inbertsioak egin ahal izateko fondo berezi bat eratu zuen. Fondo honen bidez lortu nahi da ekonomiaren



BEIZAMAKO UDALA
(GIPUZKOA)

eta enpleguaren dinamizazio bat lortzea. Guztia honen inguruan, Beizamako udalerriari 32.212.-€ko (BEZ barne) dirulaguntza esleitu zitzaion.

Aurrekoaren aurrean, eta udalerriak dituen beharrak kontuan hartuz, Udalbatzak bertan daudenek aho batez harturiko erabakiarekin, ondokoa erabakitzen dute:

Lehenik.- Azaroaren 28ko 9/2008 Errege Dekretuak sortutako dirulaguntzen deialdian parte hartzea.

Bigarrenik.- Deialdira, Beizamako herriguneko hariteria lurperatzeko proiektua aurkeztea onartzea.

Erabaki hau izapidezko egintza soila besterik ez da eta beraren aurka ezin da inongo errekurtsorik jarri.

Aztertzeko beste gairik ez dagoenez, 18:30etan eman da amaitutzat bilera. Han esandako guztia aktan jaso eta idazkari nauzuen honek EGIAZTATZEN dut.